



市録

一之八

一百四十一采日

リ 8
970
1



門仁8
號970
卷14

新刊司馬文正公稽古錄序

竊謂忠愛之道根於心形於論列而著於述作表於當時垂於來世墳典以後謨謀訓誥具在方冊炳炳如丹三伐降道微文弊奇愈出去古愈遠煩冗蕪穢之辭未遑論焉其間若至言若新語若金鏡錄亦皆稽往迹而效誠於君父然學或駁而未粹事或畧而未詳告戒於一時雖若徹切求欲附經垂世不能不病於君子迨宋文正公司馬氏出公之學以聖賢為歸以忠愛為用筮仕時即以天下安危為念議皇儲感悟上心辨刺義勇

稽古錄

叙

明正德八年
二月十九日
刻



雖韓魏公不少假借永興之疏推賢讓能新法之罷憂公體國公之立朝大節多若此也其論議述作不爲牽合必期有裨聖學有益世用嘗以不能詔文辭知制誥以不能四六辭翰林皆非飭讓又謂歷代史繁重學者不易觀覽况人主之摠萬機邪於是參互斟酌作稽古錄既而被召作通志一倣左氏體病其太繁更約爲目錄病其太簡折繁簡之間作舉要錄皆公平生學力所得載事而不離乎道類史而可附於經者也惟稽古一錄寂公蚤年筆歷三朝始克成就迨入相時其書始進

上自羲農下迄宋治平歷數千百禩表其年撮其事論斷其得失其興亡在知入其成敗在立政當艱難之運在師用賢知存惻隱之意必照察忠邪其論君德有三而材有五者尤爲懇切忠愛之意溢於言表晦翁先生重有取於此書謂其言如桑麻穀粟可續六經願忠君父之志可備講筵進讀信足以追訓謨邁軌直越本訛甚未堪奉覽在長沙時搜得正本殊勝卽命工別爲刊刻未竟欲奏行下取索未及移書當時宰輔以圖投進志又未遂遂使先哲忠言要旨不得聞達湮沒幾五百

年矣國朝文教誕敷遺書散出弘治庚申孝感侍御楊
公廷宜奉命出按河東得是錄於沁水李憲副淑淵家
一見之有感於心卽慨然捐貲錢梓以廣其傳焉嗚呼
文正著述本意晦翁得之晦翁未遂之志公又成之是
知臣子忠愛之情異世如一日也錄成走書責序於首
功曾備員經幄每慕文正當時進講輒存規諫區區
犬馬愚忠未嘗不挹公於夢寐悵悵是錄湮晦不得與
通志諸作並傳久矣故不敢讓而強爲之序云時弘治
辛酉春二月旣望賜進士及第奉直大夫右春坊右諭

德管國子監司業事前翰林侍講經筵講官兼脩國史
餘姚黃珣謹序

稽古錄序

稽古錄二冊司馬文正公之所著也公嘗奉詔編緝通鑑以爲一生精力盡在此書矣尤拳拳於是者何哉夫物以激而聲者感之正而得其情也鳥鳴春蟲鳴秋是雖時變其感則如是也元祐時哲宗幼冲宣仁視政經筵書翰未始不躬使非知要則一日萬機鑒觀不暇而往轍難尋前脩莫效何以守約施博而成天下之務哉昔夫子與哀公問荅公欲聞簡切之言夫子蹴然避席而舉其要以對溫公之意亦夫子之意也其書芟夷體

要紀歷歲事具載表章一覽而古今之績燦然誠有補於君道稽古正學學於古訓也厥後文公欲以之進呈而不果又遺書於宰輔以圖獻焉文公之意亦溫公之意也嗚呼隨事立言何代無之然一旦淪沒之後言隨以泯者豈其言之罪哉其取重千古者存乎人耳公以儒臣仕宋其勲業文章固非一事可名然嘗聞公教人以誠且令自不妄語始今觀此書歷時既久上符往聖下啓來學而人之膾炙之者宛然想見公之英風豈非誠之久而著乎璋以後學備員臺諫嘗慕公之三劄五

規欲效春鳥秋蟲之鳴而猶豫矣自信幸遇同寅君子沁水李公淑淵而獲此書焉李公之意亦璋之意也遂命工鐫梓併爲序之時弘治辛酉孟春吉旦賜進士出身文林郎巡按山西監察御史孝感楊璋謹書

朱文公語錄中語

溫公之言如桑麻穀粟且如稽古錄極好看又曰稽古錄一書可備講筵官僚進讀小兒讀六經了令接續讀去亦好

進稽古錄表

臣光言竊以九州四海一日萬機將察知民物之性情蓋布在文武之方策雖歷年多而舉其大要則用力少而見夫全功恭以

皇帝陛下富有春秋教寧方夏念終始典於學於緝熙單厥心延登老成親近觀講發論語章句探經藝之同歸誦寶訓丁寧憲

祖宗之不易有本如是實惟濫觴惟稽古堯舜之舊章惟信史春秋之成法高山可仰覆轍在前其興亡

在知入其成敗在立政或當艱難之運而不能師
用賢智或有惻隱之意而無以照知忠邪載籍之
編患乎太漫鑒觀之主力不暇遑敢用芟夷畧存
體要由三晉開國迄于顯德之末造臣既具之于
皇帝歷年圖自六合爲宋接乎熙寧之始元臣又著之
于百官表乃若威烈丁丑而上伏羲書契以來對
越神人可用龜鏡悉從論纂皆有憑依摠而成書
名爲稽古錄二十卷回仍書局繕寫奏篇茲冒昧
以上陳助聰明之遠覽臣元中謝恭惟

太皇太后陛下定九鼎以守天不之重器乘六龍以御
古今之正權思齊之功啓佑聖學過物之濟燕及
宗祧至於法弊於涼而改爲官非其人而變置御戎之
策上下措國之勢安危據舊以鑑新去彼而取此
陶成萬化簡在

兩宮七廟垂無疆之休微臣與不朽之業干冒
宸衷無任

正議大夫守尚書左僕射兼門下侍郎上柱國河
內郡開國公食邑四千一百戶食實封一千五百

第四卷

有虞氏下

夏后氏上 合下卷十七至四百三十一年

第五卷

夏后氏下

高辛九

第六卷

殷上 合下卷三十九至六百十九年

金天九

第七卷

殷下

商

第八卷

周上

第九卷

周下 至共和初十一主自是以後年始可譜

共和之初諸侯所自出

魯 至慎公

齊 至武公

晉 至靖侯

秦 至秦仲

楚 至熊勇

宋 至僖公

衛 至僖侯

陳 至幽公

蔡 至武侯

曹 至夷伯

第十卷

共和 元年至十四年

幽王 十一年

桓王 二十三年

僖王 五年

襄王 三十三年

匡王 六年

簡王 十四年

宣王 四十六年

平王 五十年

莊王 五十五年

惠王 六十五年

頃王 六年

定王 二十一年

靈王 二十七年

第十一卷

景王 二十五年

敬王 三十四年

元王 八年

貞定王 二十八年

考王 十五年

威烈王 二十四年

安王 二十六年

烈王 七年

顯王 四十八年

慎靚王 六年

赧王 五十九年

秦昭王 五十五年

孝文王 一年

莊襄王 三年

始皇 三十三年

二世 三年

第十二卷

西漢高祖 年十二

惠帝 年七

文帝 年三十

武帝 年五十

宣帝 年二十

成帝 年二十

平帝 年五

王莽 年十四

高后 年八

景帝 年十六

昭帝 年十三

元帝 年十六

哀帝 年六

孺子 年三

淮陽王 年二

第十三卷

東漢光武 年三十

明帝 年十八

和帝 年十七

安帝 年十九

冲帝 年一

桓帝 年二十

獻帝 年三十

魏文帝 年七

章帝 年十三

殤帝 年一

順帝 年十九

質帝 年一

靈帝 年二十

明帝 年十三

邵陵厲公 年十四

高貴鄉公 年六

元帝 年五

晉武帝 年二十

懷帝 年六

惠帝 年十七

愍帝 年四

東晉元帝 年六

明帝 年三

成帝 年十七

康帝 年二

穆帝 年十七

第十四卷

哀帝 年四

海西公 年五

簡文帝 年二

孝武帝 年二十

安帝 年二十

恭帝 年一

宋武帝 年三

營陽王 年一

文帝 年三十

孝武帝 年十一

明帝 年八

蒼梧王 年四

順帝 年二

齊高帝 年四

武帝 年十一

明帝 年五

東昏侯 年二

梁武帝 年四十八

簡文帝 年二

敬帝 年二

陳武帝 年三

文帝 年七

宣帝 年十四

隋文帝 年十六

煬帝 年十二

和帝 年一

元帝 年三

臨海王 年二

長城煬公 年六

恭帝 年一

第十五卷

唐高祖 年九

太宗 年三十三

高宗 年三十四

中宗 年五

玄宗 年四十四

代宗 年十七

順宗 年一

穆宗 年四

睿宗 年二

則天后 年二十一

肅宗 年七

德宗 年二十五

憲宗 年十五

敬宗 年二

文宗 年十四

武宗 年六

宣宗 年十三

懿宗 年十四

僖宗 年十五

昭宗 年十五

哀帝 年三

梁太祖 年六

均王 年十

唐莊宗 年三

明宗

潞王 年二

晉高祖 年七

齊王 年四

漢高祖 年二

隱帝 年二

周太祖 年四

世宗 年五

第十六卷

歷年圖序

第十七卷

本朝

太祖 建隆三年 乾德五年

太宗 太平興國八年 雍熙四年 端拱二年

第十八卷

真宗 咸平六年 景德四年 大中祥符九年

第十九卷

仁宗 天聖九年 明道二年 景祐四年

第二十卷

仁宗 慶曆八年 皇祐五年

英宗 治平四年 嘉祐八年

目錄終

司馬溫公經進稽古錄卷之一

伏羲氏

太昊伏羲氏 太昊有天下之號伏羲氏其所以有天下
 明之君長以司牧之何謂司牧蓋民不足於衣食則
 能養之衣食足矣或不知禮義相侵暴則能教之教
 之備矣或頑嚚不從則能威之由是民愛之如父母
 仰之如日月信之如四時畏之如雷霆莫不悅服推
 而尊之聰明之小者所服寡聰明之大者所服衆所
 服寡者為聚邑之長為士大夫卿所服衆者為一國
 之君君一國者是為諸侯天下萬國位均力敵或相
 侵陵吞篔莫能相治必待天生聖人出乎其類拔乎
 其萃聰明照萬事威令行四海天下無不歸往而率
 服然後為天子夫天地者萬物父母諸侯者一國父
 母天子者萬國父母人之至尊無與為比惟父事天
 母事地故曰天子伏羲之前為天子者其有無不可

知也。如天皇地皇人皇有巢燧人之類。雖於傳記有之。語多迂怪。事不經見。臣不敢引。獨據周易自伏羲以來。風姓。姓者人之所自生也。以木德繼天而王。都宛丘。今陳州是

也。仰則觀象於天。俯則觀法於地。於是始作八卦。太

之時有龍負圖出於河。太昊法而象之。始畫八卦。曰乾坤震巽坎離艮兌。以通神明之德。

神明謂造化也。乾為天。坤為地。震為雷。巽為風。坎為水。離為火。艮為山。兌為澤。造化萬物皆由此八者而

生成。通導也。作八卦以通導。造化之德。使人知之也。以順萬物之情。乾健也。坤

也。巽入也。坎陷也。離麗也。艮止也。作結繩而為罔罟。

以佃以漁。佃音田。佃獵取禽獸也。漁取魚也。上古之民處於草野。未

知農桑。但逐捕禽獸。食其肉。衣其皮。禽獸飛走。非人

所及。制之甚難。無以禦飢寒。故太昊教之為罟罔。以

羅禽獸。漉水物。又教民豢養六畜。馬牛羊豕犬鷄。無

逐捕之勞。可以充庖。且以為犧牲。享神祇。故號伏羲

氏。亦號庖犧氏。

神農氏

炎帝神農氏。姜姓。繼伏羲以火德王天下。是時民益多。

禽獸益少。炎帝乃教民播種百穀。斲木為耜。揉木為

耒。春耕夏耘。秋穫冬藏。民食以充。故號曰神農氏。炎

帝以一人所為。不足以自養。必通功易事。質遷有無。

乃教民日中為市致天下之民聚天下之貨交易而退各得其所

有熊氏

黃帝有熊氏姬姓曰軒轅有熊國君少典之子生而神靈弱而能言幼而狗齊狗疾齊速也長而敦敏成而聰明

炎帝既没子孫德衰蚩尤始作亂延及于平民罔不

寇賊姦宄奪攘矯虔群行攻劫曰寇殺人不忌曰賊在外曰姦在內曰宄自來而取

曰攘矯詐黃帝乃治五兵以征之與蚩尤戰于涿鹿

之野禽而殺之涿鹿涿州諸侯皆去神農氏歸黃帝黃帝

與炎帝子孫戰于阪泉之野三戰然後得其志諸侯咸尊黃帝為天子代神農氏黃帝以民生有欲衣食

雖備苟無禮義則強陵弱眾暴寡智欺愚勇苦怯於是始制軒冕垂衣裳貴有常尊賤有等威使上下有

序各安其分而天下大治作舟楫以齊不通服牛乘馬引重致遠正名百物天下有不順者征之平者去

之邑于涿鹿之阿遷徙往來未嘗寧居在位百年而崩年百一十歲有二十五子其得姓者十四人為十

二姓姬酉祁已滕箴任荀偃姑儂依姑其訖切儂呼緣切

金天氏

少昊金天氏已姓曰摯亦曰青陽黃帝之子繼黃帝以金德王天下故號金天氏都曲阜今兗州

高陽氏

顓頊高陽氏黃帝之孫也父曰昌意高陽氏以水德王天下都濮陽靜淵而有謀疏通而知遠養財以任地履時以象天北至幽陵南暨交趾西蹈流沙東極蟠木動靜之物小大之神主山川神日月所照莫不平服先是帝王皆以天瑞為官師之名至高陽氏始為民師

而命以民事在位七十八年壽九十八歲

高辛氏

帝嚳高辛氏黃帝之曾孫玄枵之孫蟠極之子也都亳

今穀熟普施利物不於其身聰以知遠明以察微順號南亳

天之義知民之急仁而威惠而信脩身而天下服其色郁郁其德嶷嶷其動也時其服也衷執中而徧天下日月所照風雨所至莫不從化在位七十年壽百五歲

司馬溫公經 進稽古錄卷之一

帝堯禪姓曰放勳。帝嚳之子。初封於陶。後改封唐。故曰陶唐氏。年十六。以唐侯升為天子。都平陽。今晉州。堯欽明文思。威儀表備。謂之欽。照臨四方。謂之明。允恭克讓。允被四表格于上下。允。信。克。能。允。格。至也。既。有。于。天地也。至。克明駿德。以親九族。駿。大也。言堯能脩。明其大德。以睦。上。自高祖。下至玄孫。等列旁支之。九族既睦。平章百姓。親大學。所謂身脩。然後家齊也。九族既睦。平章百姓。化九族而平和。章明所謂家齊。然後國治也。皆百姓。

司馬溫公經進稽古錄卷之二

陶唐氏

帝堯禪姓曰放勳。帝嚳之子。初封於陶。後改封唐。故曰

陶唐氏。年十六。以唐侯升為天子。都平陽。今晉州。堯欽

明文思。威儀表備。謂之欽。照臨四方。謂之明。允恭克

讓。允被四表格于上下。允。信。克。能。允。格。至也。既。有。

于。天地也。至。克明駿德。以親九族。駿。大也。言堯能脩。

自高祖。下至玄孫。等列旁支之。九族既睦。平章百姓。

親大學。所謂身脩。然後家齊也。九族既睦。平章百姓。

化九族而平和。章明所謂家齊。然後國治也。皆百姓。

昭明協和萬邦黎民於變時雍

昭亦明也。協合黎衆。時是雍和也。言天下

衆民皆變化化上。是以風俗大和。所謂國治然後天下平。

堯德廣運乃聖乃神乃

武乃文

廣謂所覆者大。運謂所及者遠。聖無稽于衆。不通神妙無方。文經天地。武定禍亂。

捨已從人

稽考也。雖聰明不獨斷自用。必考察衆謀。捨已所有。衆人所長。所以爲聖。其仁

如天其智如神就之如日

溫燠望之如雲。能庇蔭惟天

爲大惟堯則之

則法也。法天行化。蕩蕩乎民無能名焉。蕩蕩

之稱。言其布德廣遠。民無能識其名。巍巍乎其有成功

功成化隆。煥乎

其有文章

煥明也。其立文垂制又著明。命羲和曆象日月星辰敬

授人時

重黎之後。羲氏和氏世掌天地四時之官。星辰五星辰日月所會十二次曆象其分節。謹記

天時以允釐百工庶績咸熙

釐治工官庶衆績功咸皆熙廣也。言定四時成

歲曆以告時授事則能信治百官衆功皆廣。

時洪水爲災堯咨四岳

官內有百揆四岳如今之宰輔百揆掌揆度百事四岳分掌四時及四岳諸侯之政。舉能者使

治之四岳舉鯀

古本堯鯀頑嚚傲狠不可用。心不

義之經爲頑口不道忠信之言爲嚚。四岳固請試之堯屈已從之

從入。鯀治水九年功用弗成。堯老有子丹朱不肖欲遜

位于四岳四岳辭以不德堯使明舉有明德之人搜

揚在側陋者衆乃曰有鰥在下曰虞舜

舜年三十未娶故曰鰥。虞

今河中府虞鄉縣。媯水之汭舜所居也。

帝曰俞予聞如何

而不用亦任天下舜父有岳曰瞽子父頑母嚚象傲目不能
 之耳目不自任也舜別善惡故時人謂之瞽瞍象克諧以孝烝烝乂不
 格姦舜弟之字傲慢不友言皆惡至無惡帝曰朕其試哉舜至德升聞堯獨試之者女
 于時觀厥刑于二女女妻刑法也堯於是二女妻
 國治釐降二女于媯汭嬪于虞降下嬪婦也舜為匹夫
 使行婦道于虞氏帝曰欽哉歎舜能脩己行敬以化於是登
 舜於朝歷試諸難試以治民既有大功遂使攝行天
 子事堯在位一百一十七歲而崩百姓哀

慕如喪考妣舜封堯後於唐為虞賓

司馬溫公經 進稽古錄卷之二

稽古錄

卷二

三

八元元善也使布五教于四方五教父義母慈兄友弟

也五典克從內平外成舉蒼舒隕徒回切訖五開切禱音桃

戴音演大臨厯降庭堅仲容叔達八愷愷和也使揆百事

百揆時序地平天成流共工驩兜都侯切三苗鯀四凶

于四裔而天下咸服四門穆穆穆穆美也諸侯來朝者皆有美德無凶人

也陰陽和順烈風雷雨弗迷堯知舜功德大成欲使

陟帝位舜辭不受乃使舜攝行天子事代已巡守朝

四岳諸侯舜察璿音璇璣音機玉衡以齊日月五星之行

度以考正曆數二十有八載堯乃殂落舜服喪三年

畢始即天子位都蒲阪今河府明四目達四聰廣視聽於四方

使天下無壅塞命禹宅百揆宅居也居宜棄為后稷播時百穀

播布也布種百穀契作司徒敷五教敷亦布也皋陶作士典五刑

惟明克允刑期于無刑雖或行刑以殺止殺終無犯者刑期於無所刑垂共

工益作虞掌山澤草木鳥獸取之有時用之有節伯夷作秩宗

典三禮夔典樂教胄子擊石拊石百獸率舞蕭韶九

成鳳皇來儀韶舜樂名儀有容儀龍作納言出納惟允舜上循

堯道下任衆賢恭己南面無為而治舜好問而好察

邇言淺近之言隱惡而揚善人言惡者隱而不彰善者宜揚而行之執其兩

端用其中於民臨下以簡御衆以寬罰弗及嗣賞延

于世而延及其賞道德之政宥過無大刑故無小過

所犯雖大必有刑罪疑惟輕功疑惟重刑疑附輕賞疑從重忠厚

至與其殺不辜寧失不經經常也寧失不常之罪不

君臣常相儆戒於朝禹曰后克艱厥后臣克艱厥臣

政乃又又治也能知為君難益曰任賢勿貳去邪勿

疑一意任賢罔違道以干百姓之譽于求也失道求

罔拂音佛百姓以從已之欲拂戾也專欲難成皋陶曰

在知人在安民禹曰知人則哲能官人安民則惠黎

民懷之此帝堯所難皋陶曰亦行有九德亦言其人

有德乃言其行事以驗之曰寬而栗性寬大而柔而

立和柔而愿而恭慤愿而亂而敬亂治也治

毅擾順也致直而溫行正直而簡而廉性簡大而剛

而塞剛斷而疆而義無所屈撓彰厥有常吉哉彰明

也其人行此德有常不變至三德有家九德之中有

夫卿大六德有邦諸侯為翁受敷施九德咸事俊又在

官翁合也能合受三六之德而用之以布施政教使

官九德之人皆用事謂天子如此則俊德治能之士

並在兢兢業業一日二日萬幾兢兢戒慎業業危懼

官幾者動之微吉凶之

先見者也。王者戒懼事於微小之時，制治於未亂，保
 邦於未危，則易為力。已亂已危，則難為功。一日二日
 之間，幾微之事，至無曠庶官，天工人其代之。曠空也。
 有萬端不可不察。人為空官，言百官代天理。天聰明自我民聰明，自用
 物不可以天官私非其才。天聰明自我民聰明，自用
 天因民而降之福，民所歸者天命。天明畏自我民明
 畏，天視聽人君之行，用民為聰明。天明畏自我民明
 畏，天威可畏，亦用民成其威。民所
 耳目。言大體。予違汝弼，汝無面從，退有後言。我違道
 義輔正，我無得面從我。禹曰：萬邦黎猷，共惟帝臣。惟
 違而退，有言我不可解。禹曰：萬邦黎猷，共惟帝臣。惟
 帝時舉，敷納以言，明庶以功，車服以庸。獻賢也。萬國
 臣帝，宜以時舉其秀者，先使布納其為治之言，察其
 是非，能言者未必能行，故又宜試之以事，以明辨衆

言之虛實，必待其功效顯著，然後賜之車服爵命而用之。

司馬溫公經 進稽古錄卷之三

舜命禹征有苗三旬苗民逆命益贊于禹曰惟德動

天無遠弗届贊佐届至也益以此義滿招損謙受益

時乃天道自滿者人損之自謙者人益之是天之常道至誠感神矧茲有

苗誠和也矧况也至和感禹拜昌言曰兪班師振旅

昌當也以益言為當故拜受而然帝乃誕敷文德遠

之遂還師兵入曰班振言整衆帝乃誕敷文德遠

不服大布文舞干羽于兩階干楯羽翳也皆舞者所執脩闡文教舞文舞于

賓主階間七旬有苗格討而不服不討自來舜生三

抑武事十徵庸始見二十在位歷試二年攝五十載而崩舜

堯喪三年其一在五十壽百一十二歲禹封舜後於

之數故為天子五十年

虞而客之及周武王克商封舜後胡公於陳賜姓媯

氏孔子曰後世雖有作者虞帝弗可及也已矣

夏后氏上

夏后姁姓曰文命高陽之孫鯀之子也堯命鯀治水功

不成舜臣堯殛鯀于羽山舉禹使代父治水廢父興

道天乃錫禹洪範九疇洪大範法疇類也洛出書神

千九禹因而第之以成九類一五行二五事三八政

四五紀五皇極六三德七稽疑八庶徵九五福六極

禹治水順五行之性猶天地之理不墮山不崇藪壅

者決之滯者導之行水於其所無事故功易成禹治

水勤勞陸行乘車水行乘舟泥行乘橇子絕切形如箕橇行泥上

山行乘楫紀錄切以鉄如錐頭長半寸娶塗山氏女

歷辛壬癸甲四日復往治水塗山氏女生子啓禹過

門聞啓呱呱音孤而泣不入視之時下民昏墊丁念切昏墊

陷言困艱食難得禹隨山刊木隨行山林斬木通道與益得禽

獸佐民食決九川距四海濬畎澮距川距至也決九州名川通之

至海一畝之間廣尺深尺曰畎方百里之間廣二尋深二仞曰澮澮畎深之至川亦入海平田無

水與稷教民播種百穀濬川得魚鼈佐民食濬深其流烝

民乃粒萬邦作乂米食曰粒言天下由此爲治本禹分天下爲冀兗

青徐揚荆豫梁雍九州任土作貢任其土地所有定其貢賦之差九

州攸同四隩既宅四方之宅已可居九山刊旅九川滌源九

澤既陂九州名山已槎木通道而旅祭矣九州之川已滌除泉源無壅塞矣九州之澤已陂障無

决溢四海會同四海之內會同京師庶土交正底慎

財賦交俱也衆土俱得其正謂壞墳壙所致咸則三

壤成賦中邦皆法壤田上中下大較三又以天下近

遠分甸侯綏要荒五服辨諸侯職守東漸于海西被

于流沙朔南暨聲教漸入也被及也此言五服之外皆與王者聲教而朝見訖

于四海堯乃錫禹玄圭告厥成功

司馬溫公經進稽古錄卷之四

臣等謹將稽古錄卷之四進呈御覽伏乞聖鑒

司馬溫公經進稽古錄卷之五

夏后氏下

舜受禪使禹宅百揆舜老以位傳禹曰朕居帝位三十有三載耄期倦于勤汝惟不怠耄百年日期頤言已年老厭倦萬機總朕師師衆也八禹辭帝曰克勤汝不懈怠于位稱總我衆欲使攝于邦克儉于家不自滿假惟汝賢滿謂盈實假大也言禹惡衣薄食卑其宮室而盡力為民其宮室而盡力為民汝惟不矜天下莫與汝爭能汝惟不伐天下莫與汝爭功自賢曰矜自功曰伐言禹推善讓入而不失其能不天之曆數在汝躬汝終陟元后有其勞而不失其功所以能絕衆人

也。元大也。人心惟危，道心惟微，惟精惟一，允執厥中。
大君天子。危則難安，微則難明，精所以明其難明，一所無稽之
以安其難安，然道之大要莫若信執其中。言勿聽，匪詢之，謀勿庸。
終必無成，故戒勿聽用。可愛非君，可畏非民，衆非元后，何戴后非衆罔與守邦。
君爲命，故可愛。君失道，民叛之，故可畏。言衆戴君以自存，君恃衆以守國，相頌而立。禹拜稽首，固辭，帝曰：母惟汝諧。
母禁止，辭惟汝能。禹乃受命攝行天子事。如舜之初，舜崩，禹三年喪畢，即天子位，會諸侯於塗山，執玉帛者萬國，又會諸侯於會稽，長狄防風氏後至，禹戮之。禹命遠方圖物。
圖畫山川奇異之物而獻之。

貢金九牧，使九州之牧貢金。鑄鼎象其州之物。
象所圖物，百物而爲之備，使民知神姦。故民入川，
圖鬼神百物之形，使人逆備之。澤山林不逢不若。
若順也。螭魅罔兩，
螭山神獸形，魅怪物罔兩水神。莫能逢之。禹崩，壽百年。孔子曰：禹吾無間然矣。堯之崩也，天下諸侯不歸丹朱而歸舜，舜之崩也，天下諸侯不歸商均而歸禹。禹崩，子啓賢，天下諸侯皆曰：吾君帝禹之子也，相帥歸之。○啓乃即天子位，有扈逆命，
扈今京兆鄠縣。啓征扈滅之，享諸侯於釣臺。
陽翟縣南有釣臺陂。啓崩，子太康立。○王太康尸位，
尸主也。以逸豫滅厥德，黎民

咸貳乃盤遊無度。畋于有洛之表，十旬弗反。有窮后羿，窮國之君因民弗忍，王之惡拒于河，王不得入國，遂廢之。立其弟仲康而相之。夏室微弱。○王仲康崩，子相立。○王相之時，羿遂代夏政，相失國，依於同姓諸侯。斟灌及斟尋氏，羿恃其善射，不修民事，而滿于原獸。好相羿，微弃武羅，伯困，熊髡，龙圉。四子皆羿之賢臣而用寒浞。寒浞，伯明氏之讒子弟也。伯明寒君名伯明后寒弃之，夷羿收之，夷氏信而使之，以為己相。浞行媚于內，內宮人而施賂于外，愚弄其民。欺罔之而娛羿于畋，樂之以樹之詐。

愚以取其國家。樹立也外內咸服。信浞詐羿猶不悛。悛改也將歸自畋，家衆殺而烹之，以食其子。靡奔有鬲氏。靡夏遺臣事羿者，有鬲國名。浞因羿室，就其妃妾生澆及豷。澆五，豷許，皆切。恃其讒，慝詐偽而不德于民，使澆用師滅斟灌及斟尋氏，殺夏后相。處澆于過，處豷于戈。后緡方娠，逃出自竇。后緡相妻，娠懷身也。音身。歸于有仍，后緡有仍氏女。生少康焉。為仍牧正。牧官之長。澆使椒求之，椒澆之臣。逃奔有虞，為之庖正。虞思於是妻之以二姚，思有虞君也。虞思自以二女妻少康。而邑諸綸。綸虞邑。有田一成，有衆一旅。方十里為成，五百人為旅。能布其德，而兆其

謀治兆以收夏衆。撫其官職。靡自有鬲氏。收斟灌斟尋之遺民。以滅浞。而立少康。祀夏配天。不失舊物。物事也。

○王少康立。夏道中興。少康崩。子杼立。○王杼崩。子槐立。○王槐崩。子芒立。○王芒崩。子泄立。○王泄崩。子不降立。○王不降崩。弟扃立。○王扃崩。子廩立。○王廩崩。不降之子孔甲立。○王孔甲之時。夏德衰。諸侯多叛之。孔甲崩。子皐立。○王皐崩。子發立。○王發崩。子癸立。是爲桀。○王桀都安邑。滅德作威。敷虐于萬方。百姓用兵伐有施。得其女末喜。嬖之。荒淫無度。

有以危亡爲諫者。桀自恃天命。指日曰。是日何時喪乎。予及汝偕亡。關龍逢強諫。桀殺之。諸侯多叛。桀歸商湯。桀囚湯於夏臺。欲殺之。旣而釋之。湯乃與伊尹興師伐夏。與桀戰于鳴條。克之。桀奔南巢。夏后氏遂失天下。夏有王與無王。用歲四百三十二。

司馬溫公經 進稽古錄卷之五

司馬溫公經進稽古錄卷之六
 殷上亦號商又封商湯居
 殷而受命故號
 殷湯子姓曰履其先出於高辛氏帝嚳生契契為舜司
 徒封於商商在大華之陽今商州契生昭明昭明生相土相土
 居商丘今應天府相土生昌若昌若生曹圉曹圉生冥冥
 生振振生微微生報丁報丁生報乙報乙生報丙報
 丙生主壬主壬生主癸主癸生天乙世為諸侯天乙
 是為成湯自契至成湯八遷湯始居亳從帝嚳居湯
 不邇聲色不殖貨利邇近也殖生也言清潔不貪德懋懋官功懋

司馬溫公經進稽古錄卷之六

殷上亦號商又封商湯居

殷而受命故號

殷湯子姓曰履其先出於高辛氏帝嚳生契契為舜司

徒封於商商在大華之陽今商州契生昭明昭明生相土相土

居商丘今應天府相土生昌若昌若生曹圉曹圉生冥冥

生振振生微微生報丁報丁生報乙報乙生報丙報

丙生主壬主壬生主癸主癸生天乙世為諸侯天乙

是為成湯自契至成湯八遷湯始居亳從帝嚳居湯

懋賞用人惟已改過不吝勉於德者則勉之以官勉於功者則勉之以賞用人

之言若自己出有過則改無所吝惜所以能成王業居上克明言理為下克忠

事上竭誠與人不求備檢身若不及使人必器之常如不及恐有過為夏

方伯葛伯不祀奪餉者黍肉湯始征之歸市者不止

耕者不變誅其君而恤其民自是東征西夷怨南征

北狄怨西夷北狄舉遠以言則近者著矣曰奚獨後予攸徂之民室

家相慶曰猷予后后來其蘇湯所徃之民皆喜曰伊待我君來其可蘇息

尹有元聖之德耕於有莘之野以樂堯舜之道湯使

人以幣聘之使三返然後至湯任之以政伊尹以為

諸疑下

桀雖無道君也湯雖有聖德臣也不可捨君而輔臣

乃去毫適夏既而知桀不可輔復歸于毫乃與湯謀

伐桀勝之放桀於南巢諸共推湯為天子湯以堯舜

皆以揖讓傳天下已獨以干戈得之有慙德仲虺乃

為之作誥言天錫湯勇智表正萬邦夏桀昏德民墜

塗炭若陷泥墜火無救之者非德言所能諫德善言不可不伐

之意湯改紀夏政代虐以寬又自誥諸侯曰爾有善

朕弗敢蔽罪當朕躬弗敢自赦惟簡在上帝之心所以

不蔽善人不赦已罪以其簡在天心故其爾萬方有罪在予一人自責化不

至予一人有罪無以爾萬方無以爾萬方言非所及諸侯由是歸之湯為天子十三年而崩太子太丁未立而卒立太丁之子太甲○王太甲既立不明欲敗度縱敗禮伊尹屢諫不聽恐王習不義遂成性欲困苦以革其心乃放王于桐宮伊尹攝行天子事王於是悔過遷善三年伊尹復奉王歸于亳復王位還其政太甲不怨而德之伊尹申戒于王曰有言逆于汝心必求諸道人以言拂違汝心必以道義求其意勿拒逆之有言遜于汝志必求諸非道遜順也言順汝心必以非道察之勿以自賊太甲由是能保惠于庶民

克終湯業享國三十三年崩號祖甲子沃丁立○王沃丁崩弟太庚立○王太庚崩子小甲立○王小甲崩弟雍已立○王雍已崩弟太戊立○王大戊時伊尹之子陟為相巫咸佐之亳有祥桑穀共生于朝一暮大拱祥妖怪恠也兩手拱之曰拱大戊懼伊陟曰妖不勝德太戊從之桑穀枯死太戊治民祗懼不敢荒寧殷復興享國七十五年崩號中宗子仲丁立○王仲丁遷于囂仲丁崩弟外壬立○王外壬崩弟河亶甲立○王河亶甲居相殷復衰河亶甲崩子祖乙立○王祖乙時

相為水所毀。遷于耿。祖乙崩。子祖辛立。○王祖辛崩。弟沃甲立。○王沃甲崩。祖辛之子祖丁立。○王祖丁崩。沃甲之子南庚立。○王南庚崩。祖丁之子陽甲立。○王陽甲崩。弟盤庚立。○王盤庚時。復避水災。南涉河。遷于亳。從湯居。行湯政。殷復興。盤庚崩。弟小辛立。○王小辛時。殷復衰。小辛崩。弟小乙立。○王小乙崩。子武丁立。

司馬溫公經 進稽古錄卷之六

司馬溫公經 進稽古錄卷之七

殷下

王武丁思復興殷道。亮陰三年不言。群臣咸諫。王曰。予

恭默思道。夢帝賚予良弼。夢天與我良佐乃以形求于天下。

傅說築傅巖之野。惟肖。傅巖在今陝州平陸界。傅說賢而隱。代胥靡刑人。築此道。

以供食也。王召與語。果聖人也。爰立作相。置諸左右。曰。

啓乃心。沃朕心。若藥弗瞑眩。厥疾弗瘳。開汝心以沃我心。如服藥。

必瞑眩極其病乃除。若跣弗視地。厥足用傷。跣必視地。足乃

無傷。言欲使說曰。天立后。王君公。承以大夫師長。不

惟逸豫惟以亂民不使有位者逸豫民文曰惟治亂

在庶官言所官得人則又曰無恥過作非恥過誤而

非又曰非知之艱行之惟艱王曰若作酒醴爾惟麴

蘖若作和羹爾惟塩梅釀酒者麴過太苦蘖過太甘

必求和適為難良相治國懲勸寬猛凡區處施設若

交修予罔予棄予惟克邁乃訓交非一之義邁行說

曰王人惟學于古訓乃有獲有所道積于厥躬王曰

股肱惟人良臣惟聖手足具乃成人惟后非賢不又

惟賢非后不食言君須賢治高宗祭成湯有飛雉升

鼎耳而雉古后切祖己曰惟先格王正厥事言至道

變異正其事高宗從之不敢荒寧嘉靖殷邦至于小

大無時或怨善謀殷國至于小大之政享國五十九

年崩號高宗子祖庚立○王祖庚崩弟甲立○王甲

時殷復衰甲崩子廩辛立○王廩辛崩弟庚丁立○

王庚丁崩子武乙立○王武乙復去亳徙河北王武

乙崩子太丁立○王太丁崩子乙立○王乙崩子受

德立○受德一曰辛是為紂王紂都朝歌資辯捷疾

聞見甚敏材力過人智足以距諫言足以飾非矜人

以能以為皆出已下播棄黎老昵比罪人布弃不禮敬昵近也

為天下逋逃主萃淵藪平居弗祀上帝神祇宗廟恃

其强大喜用兵百戰皆克伐有蘇得其女妲己惟妲

己之言是用作奇技淫巧以悅之淫泆肆虐作炮烙

之法膏銅柱下加之炭令有罪者行焉輒墮炭中以

取妲己笑剝庫胡切剔天易切孕婦斲側角切朝涉之脛冬月

見朝涉水者謂其脛耐寒斬而視之醢九侯脯鄂侯囚西伯於羑里音羑

西伯久乃赦之既而西伯戡黎近王圻之諸侯戡勝也祖伊恐奔

告于王王曰嗚呼我生不有命在天祖伊反曰嗚呼

乃罪多參在上乃能責命于天反報紂也言汝罪惡衆多參列在上天誅

且至乃恃天命乎紂終不悛比干強諫紂怒曰吾聞聖人之

心有竅剖比干心箕子懼乃佯狂為奴紂又囚之微

子恐殷絕祀遂奔周紂專任嬖臣飛廉惡來知政事

於是周武王伐紂殷之士女皆筐其幣帛迎周師紂

率其衆如林會戰于牧野紂卒皆不戰前徒倒戈攻

于後以北紂走登鹿臺自焚死周遂滅殷自成湯受

命至是凡六百二十九年

司馬溫公經 進稽古錄卷之七

司馬溫公經進稽古錄卷之八
周上
 周文王姬姓曰昌其先亦出於高辛氏帝嚳生弃佐
 禹播時百穀堯封之郟他來舜命為后稷后稷
 薨子不窋立窋行律切夏后政衰棄稷不務不窋用失其
 官自竄於戎狄之間不窋生鞠鞠生公劉能修后稷
 之業務耕種行地宜行者有資居者有積民賴其慶
 多徙而歸保焉故詩人歌樂思其德公劉生慶節國
 於豳豳與邠同今邠州慶節生皇僕皇僕生羌弗羌弗生毀

司馬溫公經進稽古錄卷之八

周上

周文王姬姓曰昌其先亦出於高辛氏帝嚳生弃佐

禹播時百穀堯封之郟

他來

舜命為后稷后稷

薨子不窋立窋行律切夏后政衰棄稷不務不窋用失其

官自竄於戎狄之間不窋生鞠鞠生公劉能修后稷

之業務耕種行地宜行者有資居者有積民賴其慶

多徙而歸保焉故詩人歌樂思其德公劉生慶節國

於豳

豳與邠同今邠州

慶節生皇僕皇僕生羌弗羌弗生毀

隄音俞毀隄生公非公非生高圉高圉生亞圉亞圉生
 公叔祖賴公叔祖賴生古公亶父古公亶父是為太
 王復修后稷公劉之業積德行義國人皆戴之狄人
 攻之事之以皮幣犬馬珠玉皆不得焉乃屬其耆老
 而告之曰狄人之所欲者吾土地也吾聞有民立君
 將以利之君子不以其所養人者害人民之在我與
 其在彼何異民欲以我故殺入父子而君之吾不忍
 也二三子何患乎無君我將去之乃與私屬去郃踰
 梁山邑于岐山之下居焉故號曰周幽人曰仁君不

是下
 脫為
 上季
 脫為

可失也從之者如歸市旁國民亦多歸之古公乃貶
 戎狄之俗營築城郭室屋而邑別居之分別而為邑落也民
 歌樂之肇基王迹古公長子太伯次仲雍次季歷生
 昌昌有聖德在傅弗勤處師弗煩不聞亦式不諫亦
 入道義雖所未樂率意行之冥合於法式古公知其
 過失不待人諫言已先入皆言其生知
 必興周家欲立季歷以傳昌太伯仲雍知其指自竄
 於句古侯切吳以讓歷太伯猶服端委立委立端委見周之禮服仲
 雍遂從夷俗斷髮文身以示不可用古公薨季歷立
 是王季王篤於行義諸侯順之王季薨昌立是為文

王都豐文王徽柔懿恭懷保小民以美道和民故民懷之以美政恭民

故民安之發政施仁必以鰥寡孤獨為先老而無妻曰鰥老而無夫曰寡

此四者天下之窮民而無告者自朝至于日中吳不

遑暇食用咸和萬民從朝至日昧不暇食思慮政事用皆和萬民文王為

殷西伯古之王者擇諸侯之賢者分掌天下諸侯于時西有

昆夷之患北有玁狁之難玁音險狁音允文王以天子之命

命將帥遣戍役以守衛中國遠近之人皆畏而愛之

則而象之諸侯大邦畏其力小邦懷其德虞芮之君

相與爭田久而不平欲質於西伯乃相與朝周入其

境則耕者讓畔行者讓路入其朝士讓為大夫大夫

讓為卿二國之君慙而相謂曰我等小人不可以履

君子之庭乃相讓以其所爭田為閑田而退天下聞

之而歸周者四十餘國時紂方無道諸侯多去紂歸

文王紂怒囚文王於羑里七年諸侯皆從之囚紂於

是懼而歸之文王乃整兵以誅諸侯之不道者伐崇

伐密伐阮伐共伐黎皆勝之文王為諸侯四十二年

更稱元年三分天下有其二以服事殷九年崩壽九

十七太子發立是為武王○武王三年喪畢十一年

觀兵孟津諸侯不期而會者八百餘人皆曰紂可伐
 武王曰未可退而增德及紂殺比干囚箕子十三年
 武王帥諸侯復伐紂與紂戰于牧野克之遂滅紂一
 戎衣天下大定乃反商政政由舊王善政釋箕子囚
 封比干墓式商容閭封益其土商容賢人紂所貶退
 小俛散鹿臺之財發鉅橋之粟紂所積之府倉皆大
 賚于四海而萬姓悅服施舍已責救之謂周
 王還至豐乃偃武修文載戢于戈載橐弓矢戰聚橐
 高歸馬于華山之陽放牛于桃林之野示天下弗服

示天下不復乘用興滅國繼絕世舉逸民垂拱而天下治徙
 都鎬戶老切封紂子武庚祿父於般以守湯祀命王弟
 管叔霍叔蔡叔監之又封姬姓之國五十三通道于
 九夷八蠻西旅貢獒西方遠國貢犬犬大保召公作
 書戒王以慎終曰明王慎德四夷咸賓皆賓不役耳
 目百度惟貞言不以聲色自玩人喪德玩物喪志以
 為戲弄則喪其德以器物為戲弄則喪其志不作無益害有益功乃成不
 貴異物賤用物民乃足遊觀為無益奇巧為異物言
 為貴所以化俗生民犬馬非其土性不畜非此土所生不珍禽

奇獸不育于國。皆非所用。不寶遠物，則遠人格。不侵奪其

利則來。所寶惟賢，則邇人安。又曰：為山九仞，功虧一

簣。音匱。八尺曰仞。喻向成也。未成一簣，猶不為山。是以聖人乾乾日昃，慎終如始。武王即位，

四年克商。克商七年而崩，壽九十三。成王誦立。○成

王年十三，周公為冢宰，攝行天子事。管叔、蔡叔、霍叔

乃流言於國曰：公將不利於孺子，遂奉武庚、祿父、淮

夷作亂。周公帥師東征，居東二年，罪人斯得，殺武庚、

祿父及管叔，囚蔡叔于郭鄰，降霍叔于庶人，滅淮夷，

三年而歸，卜宅洛邑為王城，使四方入貢道里均。又

作下都於瀍水東。瀍，澄延切。命曰：遷殷頑民，教治之。然天

子猶往來，常居鎬京。鎬京曰宗周。夏德既衰，戎狄內

侵，九州之地浸滅。周公復唐虞之舊域，斥大九州之

境。王畿之外，分五服為侯、甸、男、采、衛、蠻、夷，鎮藩九畿。

周公攝政凡七年，制禮作樂，致太平。乃復政成王而

告老。王曰：公無困我哉。留周公為太師，與召公共輔

王室。周公作無逸，以戒成王。曰：君子所其無逸。君子之道

所在念德。先知稼穡之艱難，乃逸，則知小人之依。稼穡

無有逸豫。農夫之艱難事，先知之，乃謀。又作立政，曰：拜手稽首，

告嗣天子王矣。言不可不慎。宅乃事，宅乃牧，宅乃準。茲惟

后矣。宅居也。居汝事，謂六卿掌事者。牧，牧民之官。謂九州之長。準，平法者。謂士官皆得其人，則此惟

君矣。言立文王武王克知三有宅心，灼見三有俊心。

政在官人。文王武王克知三有宅心，灼見三有俊心。

文武能知擇人居此，事牧準三官之心，又能灼然見俊德之人，可以任此三官者之心，所以能立政，灼明見左右携僕百司庶府。

文王武王克知三有宅心，灼見三有俊心。

雖左右携持器物之僕及百官有司主券契藏吏亦皆擇

入文王厥宅心，乃克司牧人，以克俊有德。

文王惟其能居心務大略，細守本遺，秉乃文王罔攸兼于庶言，庶獄

庶慎，惟有司之牧夫。文王無所兼知於毀譽衆言及衆刑獄衆所當慎之事，惟慎擇

有司牧夫而已。勞是訓用違庶獄，庶慎。文王罔敢知于求才逸於任賢。

于茲。是萬民順法用違法，衆獄衆慎之事。文王一無敢自知於此，委任賢能而已。又作周

官命太宰司徒宗伯司馬司寇司空六卿各帥其屬

分掌天下之務。成王即政三十年崩，子康王釗立。

釗之通切。康王修文武成王之業，四海治安，成康之世，刑

措不用者四十餘年。康王崩，子昭王瑕立。昭王時，

王道微缺。昭王南征，濟漢沉沒不復，周人諱之不赴

告。子穆王滿立。穆王將征犬戎，祭側介公謀父諫

曰：先王耀德不觀兵，夫兵戢而時動，動則威，觀則玩

玩則無震。震懼也。故先王有威讓之令，有文告之辭，布

玩則無震。震懼也。故先王有威讓之令，有文告之辭，布

玩則無震。震懼也。故先王有威讓之令，有文告之辭，布

玩則無震。震懼也。故先王有威讓之令，有文告之辭，布

令陳辭而又不_至則增修於德而無勤民於遠王不
 聽得四白狼四白鹿以歸自是荒服者不至穆王肆
 其心_{肆極也}周行天下將皆必有車轍馬跡焉祭公謀
 父作詩以止王心曰思我王度式如玉式如金_{金玉取其}
 重_堅形民之力而無醉飽之心_{言國之用民當隨其力任如金冶之器隨器而}
 去_{制形故言刑民之力去其醉飽過盈之心}王爲之少息在位五十五年崩
 子恭王繫扈立

司馬溫公經

進稽古錄卷之八

